

Agarre Urreta (Arreurreta)



NAZABAL MIMENDIA familia

ARREURRETA *Saturdi* auzoko baserria da. Ingu-
ruko paraje eta soro izenen artean daude *Fran-*
tzessoro, Errekondo, Barrutialde, Luberrí, Bordate,
Txakalato, Elizegiko iturria.

Etxe jabe dira, aitona-amonek erosi baitzuten. Laz-
kaoko mojei erosi zieten etxea. 1960-70eko hamar-
kadan berriro zituzten sukaldeak, komunak etab.

Auzorako bidea 1955ekoa da. Bide hori egiteko go-
rabehera asko izan omen ziren. Etxetik ordu erdia
behar zuten herriraino eta eskolaraino. Herrian *Ma-*
riaundinen erosi bokadiloa eta denda ondoko *iturrian*
eserita jaten zuten, ura edanez.

Bitarte horretan, jolas moduan bazen ere, borroka
asko egiten omen zuten, eta neskak ezkutaketan eta
puxtarritan jolas egiten zuten, eta goiko pisutik ba-
tzuetan ura botatzen omen zieten.

Joxe Mari Nazabal eta Teofila Mimendia 1941ean
ezkondu ziren Abaltzisketan, bertako *Arrupe* baserri-
koa baitzen Teofila. Trena hartu eta Ordiziatik Iruñea-
ra egin zuten ezkontza-bidaia.

Baserritik ateratzen zuten bizimodua. Bazituzten ha-
mar-hamaika abelburu, behi, idi eta txerkor. Baita bi
txerrama ere. Oiloak eta oilaskoak ere bai. Txekorrak
etxean saltzen zituzten, baina baita Ordiziarra edo
Zaldibira eramanez ere. Txerrikumeak ere etxetik sal-
tzen zituzten. Eta esnea Joan Manuelek erosten zien,
errotakoak. Etxerako baratzea ere bazuten eta artoa,
garia, babarruna eta patata ereiten zuten. Ordiziako
ferian babarruna, arrautzak, oilaskoak eta untxiak
saltzen zituzten.

Aitak etxetik kanpo egin zuen lan 1955etik aurrera,
Entrecanales eta *Taboran* fabriketan, Ordizian eta
Itsasondon. Bizikletan joaten zen.

Sei seme-alaba izan zituzten: Andrex, Milagros, Ma-
ria Jexux, Joan Kruz, Joxe eta Tomax.

Joxe, semea, txirrindulari profesionala izan zen,
1975etik 1982ra. KAS eta TEKA ekipoetan ibili zen
eta 1976an hirugarren postua egin zuen Espainiako
Itzulian. Italiako Giroan eta Frantziako Tour-ean ere
hartu zuen parte, azken honetan, Gasteizen bukatu-
tako etapa irabazi egin zuen.

Pasadizoak

Elurretan takoi eta guzti

*Iturritzako Maritxuk behin antolatu omen zuen Zu-
marragako Santaluzitara joateko autobusa. Eta
hemezortzi urterekin prestatu dira guapa-guapa
takoi altuekin eta finekin, eta Zumarragara doazela
zer gertatuko eta, autobusa ezinean omen zihoan
elurretan, eta gelditu da autobusa aldapa erdian.
Neskak bizi-bizi abiatu dira oinez Zumarragara
beren takoi altuekin eta baita iritsi ere. Baina kez-
katu xamar ere ibiliko ziren eta hango geltokian
hartu berriz trena eta buelta Ordiziarra eta handik
etxera. Eta etxean, gainera, errieta saio galanta.*

Afaririk gabe etxera

*Aita Joxe Mari bizikletan joaten omen zen lane-
ra. Behin lanetik etxera zetorrela erosi omen zuen
haragia afaltzeko eta baxoerdi bat hartu gabe ezin
ba pasa, eta sartu da tabernan eta lapurtu dio-
te poltsa. Afaririk gabe han joan behar izan omen
zuen etxera.*



Teofila Mimendia eta Joxe Mari Nazabal (aita-amak).



Andrex, Milagros, Maria Jexux / Joxe, Joxe Mari (aita), Joan Kruz, Teofila (ama) eta Tomax.



Andrex eta Joxe Mari (aita) National Geographic Societyko argazkian.



Teofila, Joxe Mari, Mikel (biloba), Tomax eta Maria Jexux.